

Inscripcion pa competencia hubenil gang di arte a habri



musica y teatro. E hobennan lo mester prepara nan mes bon pa muestra Aruba nan creacion propio y nan poder di expresion riba un stage profesional. Pa forma parti di e competencia, e hobennan mester presenta cu'n obra di creacion propio den cualkier disciplina artistico na unda nan mester refleha e tema di e aña aki cu ta: "Ta Continua" den un obra artistico y presenta esaki dilanti di un cuerpo di hurado cu lo selecta

ORANJESTAD- Inscripcion pa participa na e competencia aki ta keda oficialmente habri desde awe te cu dia 6 di juni 2014 na unda lo tene un reunion informativo pa loke ta trata e di 7 edicion 2014. Manera tur aña Departamento di Cultura Aruba ta organisa e competencia hubenil di mas grandi cu Aruba conoce esta: 'Gang di Arte'. E aña aki e tema oficial di e competencia lo ta: "Ta Continua" (To Be Continued)

Ta di remarca cu e participacion den e competencia aki ta completamente gratis y sin duda esaki lo bira e momento y oportunidad perfecto pa briya, demostra nan potencial artistico y e forma di mira y interpreta nan talento pa medio di arte. E participacion den e competencia por ta individual of den grupo di maximo 5 persona. E presen-



tacion final lo ta riba diano 21 y 22 di juli 2014 na Cas di Cultura Aruba. Na unda lo tuma luga e anochi final di e competencia di cual nos ta premira un biaha mas cu resultadonan excepcional.

Gang di Arte ta un competencia dirigi na hobennan entre 14 y 21 aña di edad cu tin talento, ta creativo y activo riba tereno di arte visual, video, potret, arte di palabra, baile, deporte creativo, DJ, literatura, moda, multimedia,

e persona of grupo ganado cu lo representa Aruba den actividadnan internacional.

Tocante Gang Di Arte
Cada aña ta ser organisa diferente tayer na unda e hobennan lo sigui diferente tema cu ta yuda nan concretisa y perfecciona nan presentacion artistico, tecnico y den un forma profesional. Pa loke ta trata e aña aki, lo ta bay tin diferencia den e organizacion y e forma di par-



ticipacion cu lo ta completamente diferente cu e añanan anterior. Pasobra e hobennan participante lo mester pasa den un audicion di talento prome cu nan presentacion oficial na unda nan mester muestra tur nan potencial artistico den nan disciplina cu nan ta domina, prome cu e participacion den e final grandioso.

Si un grupo kier participa cu arte multidisciplinario, nan mester presenta individualmente dilanti di un cuerpo di hurado cu un obra maximo 2 minuut y mei den e categoria cu nan ta bay participa, por ehemplo si e hoben kier participa cu canto, mester presenta den e audicion di talento cu canto y asina den cada disciplina artistico cu e hoben kier participa den e competencia di e aña aki.

Interesadonan
Si bo ta interesa pa participa

den e competencia aki, bo por inscribi libremente door di pasa na Departamento di Cultura Aruba situa na L.G. Smith Boulevard # 134 ariba edificio DA, e prome piso of yama Tel: 582-2185. Pa mas informacion di e proyecto por tuma contacto cu señor Jhon Freddy Montoya, Lider di Proyecto di Departamento di Cultura Aruba y coordinador general di Competencia Hubenil Gang di Arte Aruba na cel: 565-6903 of pidi bo formulario di inscripcion na e-mail adres: teatroaruba@gmail.com. Bishita nos facebook: Gang di Arte Aruba of myspace; Gangdiarte.aruba.

Busca bo formulario di inscripcion y inscribi gratuitamente, busca bo programa oficial cu fechanan di audicion y presentacion, bira miembro di e competencia Hubenil Gang di Arte. Y bin demostra cu pasion boso talento y creatividad. □